



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Erendrvdis Abb. 30. Iunii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

tem humi dedit præcipitem, Neronis
 furori cedens, CHRISTVM obvium
 habuit, qui rogatus quò iret, Romam
 ire se ad alteram crucem respondit.
 Implevit vaticinium CHRISTI conti-
 nuò PETRVS; sed ut Magistro hono-
 rem cederet, inverso corpore tolli in
 crucem voluit, quò capite terris, hoc
 pedibus cœlo jam propior. Iam PAV-
 LVS ille cœli etiam ante fata civis, ille
 nominis IESV per omnem orbem præco,
 post edita miracula, & literarum oracu-
 la quam plurima, hoc ipso die PETRO
 triumphanti collega additus, securi per-
 cussus est. Caput sanguinis loco primò
 lac, deinde tergeminos fontes totidem
 saltibus dedit, oleum interim effusum,
 IESV nomen clamando immiscens.
 Agnosceres tam pretiosis liquoribus
 refertum Electionis Vas esse. *Ex hist. Eccl.*

S. ERENDRVDIS ABB. 30. Iunii.

ERat ERENDRVDIS D. Ruperti
 Noricorum Apostoli neptis, nō tam
 sanguine huic, quam virtute propinqua.
 Itaque Magisterium in DEO devotas
 virgines jam tunc, cum in Galliã adhuc
 ageret, exercuit. Sed uti Rupertum vi-
 rorum, ita ERENDRVDIEM mulierum
 nec minus potens invidia cedere è Gal-
 liã coëgit. Itaque inter auxiliares co-
 pias, quas fidei bono in Boicas terras
 induxit Rupertus, etiam hanc numera-
 vit,

vit, & exadificato ad Iuvaviam Deipara
honorati Parthenone, illic collocavit vir-
ginem, matremque aliarum virginum
voluit esse: quod officium illa sic im-
plevit, ut non harum modo, sed paupe-
rum omnium mater audiret, quibus
rectum victumque nunquam non præ-
buit. Pedes etiam eorum lavare, ulcera-
que velut gemmas gaudens tractare.
Ipsa mensæ accumbens, non tam cor-
pus cibo, quam animum piis de DEO
colloquiis reficiebat, quo ut fruere-
tur, dici non potest, quam abire è vitâ pro-
perarit. Tumulum ejus ingentia mira-
cula coronarunt: unum alterumve de-
narro. Monachus in hereditatem D.
ERENDRVDIS invaserat, ausus partem
salinarii montis sibi asserere: & occu-
pavit ille terram, quam petiit, sed subi-
to fato in ipso loco, & perjurio extin-
ctus. Aliam expertus est Henr. S. Caesar,
qui morbo tentatus; amuletum è collo
suspendit anulum aureum, reliquias vir-
ginis (gemmis utique grandibus) gra-
vem. Atque hunc cum amisisset ille, &
ab infesto morbo iterum oppugnare-
tur, præsentem iterum medicinam ad-
tumbam ERENDRVDIS reperit, ut
qui se Henrico tunc debebat orbis,
idem ipsum Henricum ERENDRVDI
deberet. *Ex 19. 6. lect. ant. Canis.*